

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa policijski komesar, Generalni inspektor policije Nusret Selimović, (u daljem tekstu Ugovorni organ)

I

KM TRADE d.o.o Visoko, Čaršijska bb, ID: 4218204070008, koga zastupa direktor Nihad Mašić (u daljem tekstu: Dobavljač)

Zaključili su:

## UGOVOR O NABAVCI VOZILA ZA POSEBNE NAMJENE

### Član 1.

Predmet ovog ugovora je nabavka vozila za posebne namjene, Katmerciler T.O.M.A. za potrebe Uprave policije Ministarstva unutrašnjih poslova Kantona Sarajevo.

### Član 2.

Ugovorne strane su se sporazumjele da kupoprodaja iz člana 1. ugovora obuhvata sve elemente navedene u ponudi Dobavljača broj: 26/11/2019-1 i na osnovu koje je, zajedno sa elementima iz tenderske dokumentacije i sačinjen ovaj ugovor.

Vrijednost ugovora bez PDV-a iznosi 845.000,00 (osamstotinačetrestpethiljada i 00/100) KM.

Vrijednost ugovora sa uključenim PDV-om, pripadajućim zavisnim troškovima, te ostalim porezima i obavezama iznosi 988.650,00 (devetstotinaosamdesetosamhiljadašeststotinapedeset i 00/100) KM.

### Član 3.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku безусловne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Ukoliko Dobavljač ne dostavi garanciju za uredno izvršenje ugovora u predviđenom roku ugovor se neće smatrati zaključenim.

### Član 4.

Dobavljač se obavezuje da će robu iz člana 1. ovog ugovora isporučiti najkasnije u roku od 180 (stotinosamdeset) dana od dana stupanja na snagu ovog ugovora na adresu ugovornog organa, 71000 Sarajevo.

Sve troškove primopredaje, kao i troškove reklamacije snosi Dobavljač.

Dobavljač se obavezuje da će odmah postupiti po eventualnim primjedbama Ugovornog organa u pogledu nedostatka na ime izvršene nabavke iz člana 1. i 2. ovog Ugovora.

Kašnjenje u realizaciji Ugovora povlači obračun ugovorne kazne u visini od 1% od vrijednosti ovog Ugovora za svaku punu sedmicu kašnjenja do urednog ispunjenja, s tim da ukupan iznos ugovorene kazne ne može biti veći od 10% od vrijednosti ovog Ugovora.

### Član 5.

Plaćanje Dobavljaču, odnosno podugovaraču će se vršiti na slijedeći način:

- Po ispostavljenoj fakturi za isporučenu robu najkasnije u roku od 30 (trideset) dana od dana ispostavljanja fakture, na tekući račun Dobavljača.

#### **Član 6.**

Cijena i ostali elementi ovog ugovora se ne mogu mijenjati.

#### **Član 7.**

Ukoliko Ugovorni organ ocijeni da Dobavljač nije u stanju kontinuirano i kvalitetno izvršavati preuzete obaveze, odnosno ukoliko ponudena roba nije u skladu sa datom ponudom iz člana 1. ovog ugovora, Ugovorni organ može jednostrano, bez saglasnosti Dobavljača, raskinuti ovaj ugovor.

#### **Član 8.**

Garancija Dobavljača na isporučenu opremu iznosi:

- 2 (dvije) godine (24 mjeseca)

Postprodajna podrška nakon isteka garancije 10 (deset) godina.

Dobavljač se obavezuje da će poštovati sve garantne uslove, a u toku trajanja garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja i više sile.

#### **Član 9.**

Na ostala prava i obaveze ugovornih strana, koja nisu regulisana ovim ugovorom, primjenjivat će se odredbe Zakona o obligacionim odnosima

#### **Član 10.**

Dobavljač nema pravo zapošljavati, u svrhu izvršenja ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija ugovornog organa za javne nabavke, najmanje 6 (šest) mjeseci po zaključenju ovoga okvirnog sporazuma, odnosno od početka realizacije ugovora.

#### **Član 11.**

Eventualno nastale sporove pri realizaciji ovog ugovora, ugovorne strane će rješavati sporazumno, a u slučaju da se ne riješe sporazumno, utvrđuje se nadležnost Suda u Sarajevu.

#### **Član 12.**

Svaka od Ugovornih strana može otkazati ovaj ugovor u pisanoj formi, uz otkazni rok od 15 (petnaest) dana iz razloga koji su utvrđeni Zakonom o obligacionim odnosima.

#### **Član 13.**

Ovaj ugovor stupa na snagu danom potpisivanja obje ugovorne strane.

Član 14.

Ugovor je sačinjen u 5 (pet) istovjetnih primjeraka, od kojih Ugovorni organ zadržava 3 (tri), a Dobavljač 2 (dva) primjerka.


**DOBAVLJAČ**  
**KM TRADE d.o.o Visoko**

  
direktor Nihad Mašić



**UGOVORNI ORGAN**  
**MUP KANTONA SARAJEVO**  
**UPRAVA POLICIJE**

  
POLICIJSKI KOMESAR  
Generalni inspektor policije  
Nusret Selimović



Broj: 731/21  
Datum: 04.10.2021

Broj: 02-14-4-5750-20/19  
Datum: 30-09-2021